

## **Forum Beneficiale, Sive Quæstiones & Responsa Canonica**

Materiam De Beneficiis Universam Ex Beneficialistarum tam antiquorum,  
quàm recentiorum placitis complectentia. Opus methodo novâ, & clarâ in  
tres digestum Partes ... accuratè, ac copiosè instructae

De Provisione Et Obtentione Beneficiarvm

**Leuren, Peter**

**Coloniæ Agrippinæ, 1704**

854. Qualiter ex posseßione triennali præsumatur titulus, factáque  
dispensatio, & publicatio resignationis.

---

[urn:nbn:de:hbz:466:1-74485](#)

titulus aliquis, ut indicant verba illa regula: ex Apostolica aut ordinaria collatione possederint &c. Casp. loc. cit. citans Azor. p. 2. l. 7. c. 34. n. 5.

2. Respondeo secundò: non exigitur ullius veri tituli probatio. Chok. hic. n. 89. sed sufficit hunc titulum esse verisimilem seu coloratum, seu sufficit possessio colorata ex titulo colorato. Tond. in qq. benef. p. 1. c. 85. n. 41. & 37. Castrop. loc. cit. Lott. cit. q. 13. n. 13. & 14. ubi etiam, quod sicut regula de annali pacificam possessionem componit ex duobus, nimirum ex naturali & rudi detentione, & ex capacitate personæ, quam ea habet ad detinendum (supposita enim incapacitate etiam talis detentio- nis, eò quod v. g. tali personæ etiam ipsa detentio sit prohibita locum non habet regula, ut Sarnens. ad reg. de annali. quest. 3. & 51. l. 1.) ita regula de triennali componat pacificam possessionem ex naturali detentione & titulo possidendi, saltē colorato. Sufficit itaque allegare possessionem cum titulo colorato absque exhibitione tituli alterius; quia colorata possessio (qualiter possessio coloratur, ut dictum, ex titulo colorato) sufficit ad obtinendum in possessione. Tond. n. 41. qui etiam n. 43. ait, in eo casu, nempe possessionis triennalis pacifica cum titulo colorato, posse allegari dispensationem, & alium quemcunque titulum meliorem de mundo, pro quo citat Manticam decisi. 150. n. 10. (quod tamen ipsum limitat num. 44. quod non ita simpliciter sit intelligendum; sed solum locum habere in casu, in quo Papa solet facile dispensare; secūs est, in quo difficultas est dispensatio; quod probare est difficile. Tond. n. 45. Majorem autem tituli colorem requiri in materia triennali, quām in actione spoli, ait Tond. loc. cit. num. 73. Porro titulus coloratus in hac materia, seu ad effe- stum hujus regula est & dicitur, qui habetur seu concepsus est ab eo, qui potest tale beneficium con- ferre, vel eligere, vel confirmare, licet hic & nunc, seu ex accidenti fuerit impeditus. Tond. loc. cit. num. 72. citans Riccium collectan. 280. 4. Chok. hic. num. 85. Gomef. hic. q. 27. & 28. dicentem hanc esse conclusionem certam. Item talis titulus coloratus dicitur omnis ille, qui non est infectus perhanc regulam, sive qui non excluditur per hanc regulam; ideoque ad effectum hujus regulae titulus non decoloratur nisi ex duabus casibus in regula expressis, nimirum simoniaci ingressus, & reservationis clausa in corpore juris; sive illi soli habent titulum decoloratum, qui titulum simoniace, vel de beneficio taliter reservato obtinuerunt. Lott. loc. cit. n. 15. Chok. cit. n. 85. Unde licet plures dentur tituli non colorati quodad effectus juris communis (ut videre est apud Chok. n. 86.) hi tamen tales non sunt quodad effectum hujus regulae, seu non impediunt beneficium hujus regulae. Chok. cit. n. 86.

3. Respondeo tertio: ubi tamen constat de invaliditate tituli, non juvabitur possessor triennalis beneficio hujus regulae. Chok. n. 89. ubi enim manifestè probari potest de fundamento invalido, hujusmodi titulus non dat colorem, ut Boér. decisi. 24. n. 6. apud Chok. l. cit. Et quia talis titulus dicitur emanare de facto, & non de jure, ut apud eundem Felin. in c. in nostra. de rescript. Illud tamen notandum, quod ait Tond. l. cit. n. 41. ex codice Fabriano l. 1. tit. 2. definit. 5. n. 3. aliud esse titulum invalidum & nullum, aliud esse vitiosum, etsi produc- reetur titulus solum invalidus, id non obstat bene- ficio hujus regulae; eò quod remanet præsumptio

P. Leuren, Fori Benef. Tom. II.

tituli validi, licet constet de titulo invalido, non tamen vitioso. Atque hæc quia perpetuum est in beneficialibus, quod nequeat dari vitiosus in- gressus.

4. Denique hic observandum, quod, si nege- tur, possessor habere titulum coloratum, id per actorem probandum esse, & non probandum per possessorem, titulum esse coloratum. Chok. cit. n. 89. ex Gomef. hic. q. 45. dicens esse commu- nem DD.

5. De cerero titulus coloratus dupliciter deduci potest, nimirum verè, ostendendo nempe literas provisionis; & præsumptivè de cursu temporis. Lott. cit. q. 53. n. 31. uti ex Sarnensi hic. q. 24. n. 7. & Rota in Reginensi juris. 21. Maij 1625. quod hoc tempus in hac re minus esse non possit, quām de- cennium ultra tres annos, quos exigit regula.

6. Monendum hic iterum, quod convenienter ad dicta de annali & triennali supra ipse titulum non dent, ait Chok. ad hanc regulam. num. 89. ex Covar. tom. 1. relect. in c. possessor. p. 2. §. 10. n. 10. de regulis juris in c. & sic in anima iudicio, hoc est, in conscientia tutum non esse, sed teneri beneficium dimitre, qui scit sibi canonicum titulum ad obtainendum beneficium deficer.

*Questio 854. Qualiter ex possessione trien- nali præsumatur titulus, & dispensatio fa- cta, & facta publicatio resignationis?*

1. Respondeo ad primum: titulus beneficii non tantum præsumitur ex diuturni temporis lapsu, ut est 10. annorum. Gl. in c. dilectio tua. 16. q. 3. v. offerre. & Archid. ibid. num. 2. apud Paris. de resign. l. 10. q. 4. num. 20. sed & in beneficialibus ad præsumendum titulum sufficit spatium 3. annorum stante hac regula de triennali. Paris. ibid. n. 23. citans Ferret. consl. 18. n. 1. & consl. 362. n. 9. l. 2. Pon- tan. de spol. concl. 137. n. 20. Dātque hanc rationem; quia cum Episcopi visitent Ecclesiæ, & inquirant super titulis beneficiorum sua diœcesis; non est præsumendum, quod tanto tempore tolerassent intrusum: citans pro hoc Ferret. dicto consl. 362. n. 6. Innoc. in c. illud. de præsumpt. Decimum consl. 121. n. 3. Quod si tamen expreſſe producatur & ostendatur titulus nullus, & invalidus (ut quia probatur de intrusione vel vitioso ingressu, ut Abb. in c. illud. n. 7. Gemin. in c. Ordinarii. n. 7. de off. Ordinarii. in c.) præsumptio hujusmodi nihil operatur. Paris. loc. cit. n. 27. citans Bellam. consl. 10. n. 10. & 29. ac dicens esse communem: non secūs ac titulus, qui in profanis præsumitur ex spatio 10. annorum, cum constat de contrario, nihil operatur. Paris. num. 28. Quod si etiam Episcopus ex officio inquirit, tene- tur possessor ostendere & probare suum titulum, maximè curatus, juxta dicta superius; Quin &, si constaret Episcopum non visitasse, possessor cogit exhibere titulum Ordinario, etiam post trien- nalem possessionem. Lott. l. 2. q. 46. n. 45. ex Bellam. Porro an, & qualiter teneatur resignatus docere de titulo sui prædecessoris seu resignantis, vide eundem Paris. q. 4. fusè per totam. sed de hoc nos alibi.

2. Respondeo ad secundum, ex possessione tri- ennali præsumitur facta dispensatio; dum enim hæc regula defendit execrabilem, & non pronotorum ad sarcos Ordines, ut paulo post dicetur, præsumit dispensatum cum illis desuper. Paris. de resign. l. 11. q. 14. n. 28. similia habet Chok. n. 89.

3. Respondeo ad tertium ex possessione trien- nali absque dubio præsumitur facta publicatio per

l. 3. resigna-

resignatarium. Paris. cit. q. 14. n. 26. ita resolutum testans à Rota in Placent. appellationis fructuum, idemque confirmatum; Junii 1584. si enim publicatio præsumitur facta per resignatarium in tempore, & is non tenuerit id probare, ut habet communis sententia. Paris. ibid. n. 25. dum facta præsumuntur, quando sunt consueta fieri. Bald. in rub. de fide instrum. col. 3. n. 8. & plurimi alii apud Paris. n. 20. eoque magis, dum id, quod consuerum est fieri, est accessorium ad principale, ut Curtius junior in l. si emancipat. n. 9. c. de collat. apud Paris. n. 21. Ut publicatio consueta est fieri, & accessoria est ad expeditionem literarum ipsius resignationis; multo maximè præsumenda est dicta publicatio, si resignatarius beneficium illud possedit per triennium; si enim possessio talis facit præsumi dispensationem, ut dictum, quæ pendet ex facto alterius, nempe Superioris; multo magis publicationem, quæ pendet ex facto ipsius possessoris; nec requirit aliquid factum Superioris. Paris. n. 28. & 29.

4. Variè tamen hoc ipsum limitatur. Primo, ut non procedat, dum sumus in spolio; tunc enim ne quidem triennialis possessio hunc effectum præsumptionis factæ publicationis produceret. Paris. cit. q. 14. n. 31. juxta varias Rota decisiones, quas citat. Secundo: quoties Superior vellat videre publicationem; tunc enim non sufficeret ostendere triennialis possessionem, sed tenetur resignatarius possessor eam illi exhibere. Paris. n. 33. & seq. dicens esse communem. Sequitur à potiori ex dictis supra de necessitate exhibendi & probandi titulum in hoc casu. Tertio: quoties pateretur resignatarius suam gratiam canonizari ad aliquem effectum; tunc enim deberet probare uti titulum, ita etiam factam publicationem. Paris. n. 39. citans Innoc. in c. ex injunctio. de procurat. n. 3. Rebuff. in pr. tit. de rescript. ad benefic. vac. n. 17. &c. De cetero qualiter resignatarius debeat docere de publicatione in casibus, in quibus ad hoc tenetur, vide eundem Paris. a num. 40. Verum de hoc alibi,

**Questio 855. An, si predecessor triennio pacifice possedit, & reputabatur beneficiatus, & in possessione cessit vel decepit, successor eius non teneatur amplius justificare illius titulum?**

R<sup>E</sup>spondeo affirmativè Garc. p. II. c. I. num. 12. citans Lap. alleg. 89. n. 14. & 15. Mascar. de prob. conclus. 175. & 1379. Sarnens. ad hanc regulam. q. 16. Addit quoque Garc. talem successorem præferendum cuilibet alii impetranti ex persona alterius, juxta eundem Lap.

**Questio 856. An quis resignarit, & post resignationem mansit in possessione, illamque continuavit per 10. annos, vel etiam triennium, præsumatur exinde in resignante retrocessio, & novus titulus acquisitus, ac per consequens juvari posse illa possessione, & eo momento vacet beneficium per mortem illius?**

R<sup>E</sup>spondeo: ita quidem censisse sepius Rotam, & Auctores passim secutus Lapum cit. alleg. 89. ut videre est apud Paris. l. II. q. 6. & n. 96. ubi etiam n. 98. quod in hoc casu, uti præsumitur novus titulus, ita & nova provisio & possessor, & non teneri talem justificare dispensationem ob-

tentam, & contra præsumptionem orientem ex hismodi allegatione Lapi à Rota non admitti probationem in contrarium, nisi probatio sit concludentissima &c. Verumtamen hodiecum, stante constitutione Gregor. XIII. hac locum non habent; quia eò ipso vacat beneficium ob non factam inca tempus constitutum publicationem resignationis. Paris. l. cit. n. III. quem vide de his pluribus.

**Questio 857. An ad hoc, ut vi hujus regule repellatur impetrans, requiratur in possessione triennali bona fides?**

R<sup>E</sup>spondeo: probabilius esse, quod non. Chok. hic. n. 76. citans Crescent. decis. I. de sent. & re judic. Tond. in qq. benef. p. I. c. 85. num. 47. Castrop. cit. p. 33. n. 10. citans Gomes. ad hanc regulam. q. 42. Covar. Reg. possessor. p. 2. §. 6. n. 10. concl. 4. contra Rebuff. de pacif. possessor. n. 28. Nav. l. 3. cons. tit. de prob. conf. 4. & conf. 2. tit. de paroch. & Sanch. l. 7. c. 29. n. 21. apud eundem Castrop. hanc uixos ratione: quod, cum mala fide non derur præscriptio, neque conveniens sit, Papam velle favere peccantibus. Verum hanc in contrarium opponit rationem Castrop. quod vi hujus possessionis triennalis non præscribat titulus in beneficio, sed solum prohibetur possidentis molestatio, & beneficii impetratio: hi autem effectus obtineri nequeant, si regula favaret solis possessoribus bona fidei; nam impetrans objicere posset possessori malam fidem, eaque illi facile probare, probando illum contra juris ordinem possidere beneficium. Sed neque Papa intendat favere peccantibus ex eo, quod hac regula defendat possidores male fidei, sed solum incendar favere reipubl. ab ea removendo lites, esto per accidens inde sequatur favor aliquis mala fidei possessoribus. Ad hanc, lites, quas hac regula vitare intendit ex alio capite, nimirum vel ex hoc ipso, quod bona fides requiratur, nascerentur, dum possessor, sicut, ut se defendat hac regula, probare debet triennalem possessionem; ita etiam probare deberet suam bonam fidem, quod difficultum est, præcipue, dum beneficium possidetur contra juris ordinem.

**Questio 858. An regula hec defendat possessorum etiā quod ad proprietatem beneficij?**

R<sup>E</sup>spondeo: non defendere illum quod ad proprietatem seu titulum, sed tantum quod ad possessionem. Chok. ad hanc reg. n. 76. & Glossator apud illum n. 18. quia non dat ei titulum, ut supra, hinc sit, ut Ordinarius post triennalem possessionem, dum comperit possessorum esse suum titulo, possit eum amovere, & beneficium conferre alteri. Chok. vid. Et ut præmitit Chok. nemo impeditur, quod minus in peritorio doceat possessorum triennalem esse intratum, et si hoc securi sit in possessorio; cum nemo audiendus oppoenas aliquid contra possessionem. Hujus tamen contrarium sentire videatur Tond. loc. cit. n. 48. dum ait: quavis aliqui existimariat, regulam de triennali non obstat in peritorio, sed tantum in possessorio, contrarium tamen verius est; & per Rotam observatum; nempe triennalem obtinere debere tam in peritorio quam in possessorio. citat pro hoc Caffad. decis. 5. num. 5. de restitut. spoliar. Rebuff. de pacif. poss. num. 25.